

Халықаралық Федерацияның Алматыдағы аймақтық өкілдігінің статусы туралы Қазақстан Республикасы мен Халықаралық Қызыл Крест және Қызыл Жарты Ай қоғамдарының Федерациясы арасындағы Келісім

Келісім, Алматы қ., 1992 жылғы 10 тамыз

*** Қол қойылған күнінен бастап күшіне енді - Қазақстан Республикасының халықаралық шарттары бюллетені, 2003 ж., N 10, 67-құжат.**

Қазақстан Республикасының Үкіметі (төменде "Үкімет" деп аталады) мен Халықаралық Қызыл крест және Қызыл Жарты Ай қоғамдарының Федерациясы (төменде "Халықаралық Федерация" деп аталады), Орта Азияның бес республикасы жеріндегі ізгілікті жәрдемді үйлестіру мақсатымен Халықаралық Федерацияның Алматыда өзінің Аймақтық өкілдігін (төменде "Өкілдік" деп аталады) құруын құптай

о т ы р ы п ,

бұл Өкілдік пен оның қызметкерлерінің міндеттерін айқындау үшін, сондай-ақ оның тиімді қызмет атқаруын қамтамасыз ету үшін ресми келісім жасалуы қажеттігін

е с к е р е к е л і п ,

мыналар жайында келісім жасасты:

1-бап

1. Өз қызметін атқару мен мақсатына жету үшін Халықаралық Федерация Қазақстан Республикасының жерінде заңды хақылық иесі болып табылады әрі ол шарттар жасасуға, айналысқа түспейтін және түсетін мүлік сатып алуға, оны пайдалануға, сондай-ақ сотта іс қозғауға хақылы.

2. Осындай мақсатпен Алматыдағы Өкілдік халықаралық ұйымның аймақтық бөлімшесі ретінде құзырлы өкімет органы арқылы міндетті түрде тіркелуі тиіс.

2-бап

1. Халықаралық Федерация өзінің Өкілдігі арқылы Қазақстан Республикасының барлық жерінде өз Жарғысы мен Халықаралық Қызыл Крест және Қызыл Жарты Ай қозғалысының негізгі қағидаларына сәйкес оның ізгілікті іс-әрекетін орындауы үшін қажет деп саналатын қызмет түрлерімен айналысуға хақылы.

2. Өкілдік өз қызметін Орта Азияның бес республикасының жерінде сол Мемлекеттер үкіметінің келісімі бойынша өрістетуге хақылы.

3. Үкімет Халықаралық Федерация мен оның Өкілдігінің ізгілікті қызметіне бар мүмкіндікті пайдалана отырып көмектеседі. Атап айтқанда, ол Өкілдіктің кез келген

ұлтаралық істерді, қатынастар мен байланыстарды жүзеге асыруына көмектесіп, мәселелерді шешеді.

3-бап

1. Халықаралық Федерация және оның Өкілдігі Қазақстан Республикасы жерінде осы елдің заңдарына сәйкес әрекет етеді.

2. Халықаралық Федерацияға, оның Өкілдігі және қызметкерлеріне кез-келген уақытта Қызыл Крест және Қызыл Жарты Айдың таңбаларын пайдалануға рұқсат етіледі.

4-бап

1. Өкілдік, оның мүлкі мен қаражаты қай жерде және кімнің құзырында екеніне қарамастан, Өкілдіктің өзі жеңілдігінен анық бас тартқан жекелеген жағдайдан басқа кезде кез-келген соттың араласуына қарсы артықшылығын пайдаланады. Өкілдіктің мүлкі мен қаражатын тінтуге, мемлекет қарамағына алуға, тәркілеуге және атқарушылық, әкімшілік немесе заң әрекеттері арқылы кез келген қол сұғушылыққа ж о л б е р і л м е й д і .

2. Өкілдіктің үй-жайы мен дерекжайларына (оған тиесілі немесе құзырындағы ресми құжаттарға), мейлі, ол қай жерде орналассын, ешкім де тиісе алмайды.

5-бап

Қаржылық бақылау ережелер немесе қандай да бір мораторий арқылы шектеусіз:

1. Өкілдік кез келген қорға немесе валютаның түріне ие бола алады және кез келген в а л ю т а м е н е с е п а й ы р ы с а а л а д ы .

2. Өкілдік өзінің қорларын немесе валютасын бір елден екінші елге аудара алады және өзінің құзырындағы кез келген валютаны кез келген басқа валютаға айналдыра алады.

6-бап

Өкілдік, оның қаржылары, табыстары және басқа да меншігі:

1. Үй-жай шаруашылығына қызмет көрсету ақысының салығынан басқа барлық т і к е л е й с а л ы қ т а н б о с а т ы л а д ы .

2. 1961 жылғы Вена конвенциясында қаралған кеден салығынан, Өкілдіктің қызмет бабындағы заттарды, сондай-ақ басылымдарды тасып әкелу мен әкетуде, босатылады.

7-бап

1. Өкілдік өзінің ресми байланыс құралдары үшін почта қатынасы, каблограмма, телеграмма, телефакс, телефон және басқа да байланыс құралдарына нарық пен төлемақы белгілегенде Үкімет тарапынан кез келген дипломатиялық өкілдікке берілетін жеңілдікті пайдаланады.

2. Өкілдіктің ресми корреспонденциясы мен басқа да ресми хабарларына цензура жүрмейді.

3. Өкілдік ұлттық халықаралық жазбаша және аудиовизуальдық бұқаралық ақпарат құралдарын еркін пайдалана алады.

4. Өкілдік өзінің корреспонденциясын дипломатиялық шабармандар мен вализдер сияқты артықшылықпен және жеңілдікпен пайдаланатын шабармандар немесе вализдер арқылы жөнелтуге және алып тұруға хақылы.

8-бап

1. Өкілдіктің қызметкері болып саналмайтын және қолында Халықаралық Федерацияның тиісті куәлігі бар Халықаралық Федерация өкілдеріне олардың өз міндетін атқаруы үстінде және Қазақстан Республикасына келуі кезінде мынадай артықшылықтар мен жеңілдіктер беріледі:

- жеке басын тұтқындауға, сондай-ақ олардың өкілдігі ретінде жасаған іс-әрекетіне байланысты кез келген сот істеріндегі жеңілдіктер,

- күллі қағаздары мен құжаттарына тиісуге болмайтындығы,

- шетелдіктерді тіркеу, иммиграциялық немесе мемлекеттік қызметтік бағыныштылық жөнінде олардан шектеушілікті алып тастау,

- ақша немесе валюта айырбасын шектеушілікке байланысты дипломатиялық өкілдіктерге берілетін жеңілдіктерді пайдалану,

- жеке жүктеріне байланысты дипломатиялық өкілдерге берілетін артықшылықтар мен жеңілдіктерді пайдалану.

2. Бұл артықшылықтар мен жеңілдіктер жекелеген адамдардың қара басының пайдасы үшін емес, қайта олардың өздерінің ізгілікті келуін Халықаралық Қызыл Крест және Қызыл Жарты Ай қозғалысының негізгі қағидаларына сәйкес орындауды қамтамасыз етуі үшін берілетіндіктен, жеңілдіктің әділеттікке жүгінуге кедергі келтіретін жағдайларында Халықаралық Федерация өз өкілдерінің жеңілдіктерінен бастартуға міндетті.

Халықаралық Федерация жоғарыда аталған артықшылықтарға, иммунитеттерге және жеңілдіктерге байланысты кез келген теріс әрекеттерді болдырмауға шара қолданады.

3. Қолында Халықаралық Федерацияның куәлігі бар адамдардың виза беру (ол қажет болған жерде) жөніндегі өтініштері, егер сол адамдардың Халықаралық Федерацияның жұмысымен бара жатқаны расталса, онда ең қысқа мерзім ішінде

қ а р а л а д ы .

4. Халықаралық Федерацияның жұмысы бойынша сол Федерацияның куәлігімен жол жүретін Халықаралық Федерацияның Президенті мен Бас хатшы дипломатиялық өкілдерге берілетін жеңілдіктерді пайдаланады.

9-бап

1. Өкілдік қызметкерлері болып мыналар саналады:

- Халықаралық Федерацияның Бас хатшысы тағайындаған Өкілдік басшысы,
- Халықаралық Федерацияның Бас хатшысы тағайындаған немесе Өкілдіктің өзі жергілікті жерде алған әкімшілік және техникалық қызметкерлер (мәселен, хатшылар, аудармашылар және жүргізушілер).

2. Өкілдікке қызметке тұрысымен Өкілдік қызметкерлерінің аты-жөндері 1, 2-бапта көрсетілген өкімет органдарына хабарланады.

10-бап

1. Халықаралық Федерацияның Бас хатшысы тағайындаған Өкілдік басшысы және өкілдер, олардың әйелдері мен кәмелетке толмаған балалары 1961 жылғы 18 сәуірдегі дипломатиялық қатынастар туралы Вена конвенциясына лайықталған артықшылықтар мен жеңілдіктерді пайдаланады.

Олар және олардың отбасы мүшелері, атап айтқанда:

- жеке басына тиіспеушілікпен, тұтқындауға және ұстауға қарсы иммунитетпен пайдаланады ,

- кез келген соттық-істерді жеңілдіктермен пайдаланады,
- Халықаралық Федерация төлейтін жалақы мен сыйақыға салынатын салықтардан босатылады ,

- мемлекет қызметіндегі бағыныштылықтан босатылады,
- әйелдерімен және өз асырауындағы туысқандарымен бірге шетелдіктерді тіркеу және иммиграция жөніндегі шектеушіліктен босатылады,

- валюта алмастыруға байланысты дипломатиялық өкілдік қызметкерлеріне берілетін артықшылықты пайдаланады ,

- өзінің әйелімен және асырауындағы туысқандарымен бірге ұлттық немесе халықаралық дағдарыстар кезінде дипломатиялық өкілдер пайдаланатын өзге елге қоныс аудару жөніндегі жеңілдікті пайдаланады,

- қызметіне алғаш кіріскенде өзінің жиһаздары мен дүние-мүліктерін салық төлемінсіз алып келуге хақылы .

2. Жоғарыда аталған артықшылықтар мен иммунитеттерге байланысты 8.2-бап сондай-ақ I-пунктте көрсетілген Өкілдік қызметкерлеріне де қатысты қолданылады.

3. Қазақстан Республикасының азаматтығы бар немесе осы мемлекетте тұрғылықты

мекен-жайы бар, жергілікті жерде жұмысқа алынған әкімшілік және техникалық қызметкерлер дипломатиялық өкілдік қызметкерлерінің дәл осындай дәрежесіне Қазақстан Республикасы ұсынған артықшылықтар мен жеңілдіктерді пайдаланады. Қазақстан Республикасы өкілдіктің қызметін атқаруға нұқсан келтірмейтіндей етіп олардың үстінен өзінің заңдылық хақын жүргізеді.

11-бап

1. Үкімет Өкілдік үшін лайықты қызмет үйін тауып беруге, сондай-ақ Өкілдіктің қызметкерлерін жайлы кеңсеге орналастыруға көмектеседі.

2. Үкімет Өкілдіктің көлік құралдарын дипломатиялық өкілдіктің көлік құралдары ретінде тіркеуге рұқсат береді.

12-бап

Үкімет жоғарыда аталған жайларды іске асыруды қамтамасыз ету үшін тез арада қажетті шаралар қолданады.

13-бап

Бір жағы Үкіметтің және екінші жағы Халықаралық Федерация мен оның Өкілдігінің арасындағы осы Келісімнің жүзеге асуына немесе түсіндірілуіне байланысты келіссөз жолымен шешілмеген кез келген дау екі жақтың бірінің өтініші бойынша арбитражға беріледі. Екі жақ арбитражға өтініш бергеннен бастап үш айдың ішінде арбитраждың ұйымдастыруы жайында өзара мәмілеге келеді. Арбитраждың шешімін екі жақ та қорытынды шешім деп мойындайды.

14-бап

Осы Келісім қол қойылған күннен бастап күшіне енеді.

Келісім 5 жыл бойы әрекет етеді.

Осы Келісімнің әрекеті Екі Жақтың бірінің жазбаша хабарламасы бойынша тоқтатылуы мүмкін. Ондай хабарлама кемінде 6 ай бұрын жасалуы тиіс.

Егер Екі Жақтың ешқайсысы да Келісімнің мерзімі бітуінен 3 ай бұрын оны жою жайында жазбаша хабарлама жасамаса, онда Келісімнің әрекет мерзімі өздігінен ұзартылды.

Осы Келісімге өзгертулер мен түзетулер Үкімет пен Халықаралық Федерация арасында хат алмасу арқылы енгізіле алады.

Қазақ және ағылшын тілдерінде екі данадағы күштері бірдей жасалынған осы Келісімге Алматыда 1992 жылғы тамыздың 10-ында қол қойылды.

(Қолдары)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК